



Inatsisartunut ilaasortaq
Ruth Heilmann
Siumut

Apeqqummut §36-mut akissut nr. 2010-212 Maniitsumi Efterskole pillugu (Ruth Heilmann)

26. oktober 2010
Sagsnr. 2010-024961
Dok. Nr. 489093

Allakkatit katillugit arfinilinnik apeqquitaqartut 11. oktober 2010-meersutut ullulerneqaaq-qaarsimasut danskisut kalaallisullu imarisamikkut assigiinngillat, taamaattumik allakkat naqqitat 20. oktober 2010 imatut apeqquitaqartut Naalakkersuisut tiguaat:

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiiin@nanoq.gl
www.nanoq.gl

1. **Qaqugu Maniitsumiittussaq efterskole piviusunngortinneqassava?**
 - a. **Qassinik efterskolertunik ilinniartoqarniarpa?**
 - b. **Qaqugu qinnuteqartitsineq siulleq ingerlanneqassava?**
2. **Efterskole pilersinneqartussaq ataavartumik ingerlanneqalersaarpa?**
3. **Ilinniartitsisussat qassit pisariaqartinneqassappat?**
 - a. **Iliniartitsisut Maniitsumi inissaqarnissaannik Naalakkersuisut qulakkeerinninniarlutik inissianik 2011-mut sanatitsinissamut pilersaarutaasut avataatigut periarfissiiniarlutillu nutaanik aningaasaliinalersaarpat?**
4. **Efterskolemik pilersitsinissamut aningaasat atugassat 2011-mut maanna aningaasanut inatsisiliornermi qulakkeerneqarniarpat?**
 - a. **Aamma qanoq amerlatigissamaarpat?**
5. **Pilersitsiniarnermi kommune qanoq annertutigisumik aamma sutigut suleqatigineqarpa?**
6. **ATI Maniitsumiittoq Inuilimut tassa nuunneqarniarpa?**
 - a. **Narsamut Inuilimut nuunneqaruni aalisarnermut tunisassiornermullu ilinniartuunera ingerlatiinnarneqassava?**
 - b. **Aamma Maniitsumi GU-mik pilersitsisoqarsinnaaneranik Naalakkersuisup eqqarsaatersuuteqarnini qimappaa aammalu suna pillugu qimassimaneraa matumuuna aamma paasisaqarfigerusullugu apeqqutigaara.**

Apeqqut 1:

Qaqugu Maniitsumiittussaq efterskole piviusunngortinneqassava?

- a. **Qassinik efterskolertunik ilinniartoqarniarpa?**
- b. **Qaqugu qinnuteqartitsineq siulleq ingerlanneqassava?**

Akissut 1, 1a - 1b:

Naalakkersuisut ilisimatitsissutigisinnaavaat 2011-mut Aningaasanut Inatsisissatut Siunnersuummut allannguutissatut siunnersuuteqaramik, Maniitsumi efterskolimik ataavartumik ilinniartunut katillugit 60-inut inissalimmik august 2011-mit aallartittussamik pilersitsinissamik ilaatigut siunnersuutitalimmik. Maniitsumi efterskolimik ataavartumik pilersitsinissaq Inatsisartunit akuerineqarpat ilinniartussanik qinnuteqartitsisoqassaaq.

Apeqqut 2:

Efterskole pilersinneqartussaq ataavartumik ingerlanneqalersaarpa?

Akissut 2:

Aap. Maniitsumi efterskolimik ataavartumik pilersitsisoqarnissaa Naalakkersuisut aalajangiuppaat tamannalu pillugu 2011-mut Aningaasanut Inatsisissatut Siunnersuutip aappassaaneerneqarneranut atatillugu allannguutissatut siunnersuuteqarniarlutik.

Apeqqu 3:**Ilinniartitsisussat qassit pisariaqartinneqassappat?**

- a. **Ilinniartitsisut Maniitsumi inissaqarnissaannik Naalakkersuisut qulakkeerinninniarlutik inissianik 2011-mut sanatitsinissamut pilersaarutaasut avataatigut periarfissiiniarlutillu nutaanik aningaasaliinalersaarpat?**

Akissut 3. - 3.a:

Efterskole sullissiveqarfiuvoq imminut ingerlattoq, taassuma pingaarnertut aqunneqarnera siulersuisunit isumagineqassalluni. Siulersuisut forständerimik atorfinitsissapput forständerilu ilinniartitsinik akisussaasuusaaq taamaattumillu efterskolimik ulluinnarni aqutsinermik, tassunga ilanngullugit efterskolimi sulisunik atorfinitsisinermik soraarsitsisarnemillu isumaginnittuussalluni.

Efterskolimi sulisunut nutaanik inissialiornissaq Naalakkersuisut pilersaarutigingilaat, tassami ATI-p ullumikkut inissiaatigisai Maniitsumi efterskolemut ataavartumut nuunneqarsinnaanissaat naatsorsuutigineqarmat.

Apeqqu 4:**Efterskolemik pilersitsinissamut aningaasat atugassat 2011-mut maanna aningaasanut inatsiliornermi qulakkeerneqarniarpat?**

- a. **Aamma qanoq amerlatigissamaarpat?**

Akissut 4. – 4.a:

2011-mut Aningaasanut Inatsisissatut Siunnersuummut allannguutissatut Naalakkersuisut siunnersuuteqarniarput. Naalakkersuisut allannguutissatut siunnersuummi 2011-mi katillugit 4.422.000 kr.-nik kiisalu ilinniartut efterskolimukarlutik angalanerannut 240.000 kr.-nik immikkoortitsipput. Ukiumi aningaasanut inatsiseqarfiusumi 2012-imi efterskolep ingerlanneqarneranut katillugit 9.400.000 kr.-t ilinniartullu efterskolimut tassanngaanniillu angalanerannut 500.000 kr.-it immikkoortinniarneqarput.

Apeqqu 5:**Pilersitsiniarnermi kommune qanoq annertutigisumik aamma sutigut suleqatigineqarpa?****Akissut 5:**

Naalakkersuisut 2010-mi aasakkut Maniitsumiipput, Maniitsumilu kommunimi politikerit peqatigalugit pilersaarutinut periarfissat eqqartorneqarput. Efterskolimut aningaasalersuineq naatsorsuutigisatut 2010-mi novembarimi akuerineqarpat Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfiup kommunit aallartitat Maniitsumeersut ataatsimeeqatigeqqissavai Qeqqatalu Kommunian Maniitsumi efterskolimik ataavartumik pilersitsinissamut pilersaarutit pillugit ilisimatinneqassalluni.

Apeqqu 6:

ATI Maniitsumiittoq Inuilimut tassa nuunneqarniarpa?

- a. Narsamut Inuilimut nuunneqaruni aalisarnermut tunisassiornermullu ilinniarsiunera ingerlatiinnarneqassava?
- b. Aamma Maniitsumi GU-mik pilersitsisoqarsinnaanerani Naalakkersuisup eqqarsaatersuuteqarnini qimappaa aammalu suna pillugu qimassimaneraa matumuuna aamma paasisaqarfigerusullugu apeqqutigaara.

Akissut 6, 6.a – 6.c:

ATI-mut INUILI-mullu qitiusumik ilinniarsinnut ataatsimiititalianit piunasaqartoqarneratigut Naalakkersuisut 2011-mut Aningaasanut Inatsisissatut Siunnersuummut allangguutissatut siunnersuuteqassapput ATI-mi ingerlatat INUILI-milu ingerlatat INUILI-p Narsami illutaani nutaami ukiumi atuarsiuneri 2011/12-imi ataatsimoortinneqarnissaannik siunnersuutitalimmik. ATI-mi teknikerit ilinniartitaaneq Narsami INUILI-mi nanginneqassaaq.

Naalakkersuisut 2010-mi aasakkut Maniitsumiinnerminni misissorpaat ilinniarnertuunngorniarfimmil atuartitsineq piviusunngortinneqarsinnaanersoq. Naalakkersuisut Maniitsumi illuutini misissuinerisa takutippaat efterskolimi ilinniarnertuunngorniarfimmilu atuartitsinerit ataatsikkut aallartisarneqarsinnaanngitsut. Ilinniarsinni marlunni atuartitsinerit taakku marluk ataatsikkut ingerlanneqarnissaannut init atuartitsivissat ilinniartunullu inissiat ikippallaarput.

Naggataatigut Naalakkersuisut ilisimatitsissutigissavaat Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfiup sulilalersormagu ukioq ataaseq atorlugu ilinniarnertuunngorniarfimmil Maniitsumut inissinneqarnissaa piviusunngortinneqarsinnaanersoq.

Inussiarnersumik inuulluaqqusilluta

Mimi Karlsen